

MAC-TALLA.

"An ni nach cluinn mi an diugh cha'n aithris mi maireach."

VOL. I.

SIDNI, C. B., DI-SATHAIRNE, IUN 4, 1892.

No. 2.

E. T. MOSELEY, Q. C.,

Comhairliche, Fear-tagraidh,
&c.,

SIDNI, C. B.

Murray & Mac Coinnich,

Comharlaichean, Fir-tagraidh,
&c.,

SIDNI TUATH, C. B.

G. H. MURRAY. D. D. MAC COINNICH.

TAGHAIL AIG

Aoghas Domhnullach,

CEANNAICHE,

SIDNI, - - - C. B.

Tha Flur, Min, Siucar, Ti, Tombaca,
Coirce, Fear, agus iomadh nì
eile aige.

RI'N REIC SAOR!

SEUMAS A. CAIMBEUL.

Brioscaidean, Nithean-milis
Ti, Siucar, Cofi, Tombac'
agus Sigars.

SIDNI, C. B.

THUGAIBH FANEAR.

Reic W. E. Peters ri F. Falconer an
obair-dhiolaidearachd a bha e cuir air
adhart ann an Sidni.

Bidh an obair sin air a cumail air adhart
anns an aite cheudna le ARTHUR FAL-
CONER, a bha o chionn ghoirid ag obair
anns na taighean diolaidearach a's fhearr
a tha 'm Boston.

ACFUINN EACH DHE GACH SEORSA

air laimh

F. FALCONER.

Sidni, C. B., Mai 26, 1892.

DOL FODHA NA GREINE.

N. MACLEOID.

Tha thus 'a ghrian is aillidh snuadh
A' cromadh sìos air chul nan stuadh!
Do ghathan blath air bharr nam beann,
Mar or a' dearsadh air an ceann;
'S an deigh do chuairt bho'n ear gu'n iar,
Am measg gach doimcinn, gaoh, 'us sion,
Tha thu gun smalan air do ghnuis,
'Dol gu do thamh gu samhach ciuin.

B' e m' iarradas 's mo ghuidhe fein,
An uair 'thig crìoch 'us ceann mo reis—
'Dol troimh gach buaireadh, cath, us 'leon
'Tha buailteach dhuinnan so 's an fheoll—
Gu 'm faodainn amharc na mo dheigh,
'Us buaidh 'thoir orra sin gu leir,
Mar thus' an nochd an deigh do chuairt,
Le gloir a' lasadh na do ghruaidh.

Faodaidh no gaathan 's neoil nan speur
'Bhi 'cur nan cath, 's 'ga'n iomairt fein,
'Dol vair gu deas, us' uair gu tuath—
Cha ghabh iad fois, ach air an ruaig,
Ach tausa, seasmhach, buan gu brath.
'Na d' mhoraichd threun cha teid as t' ait',
Mar lochran dealrach as ar cinn,
Gun chaochladh ort bho linn gu linn!

'S tu' chuireas beatha, neart, 'us treoir,
'Bheir fas 'us cinneas air gach por,
Do'n daraie aird, 's do'n bhileig fhaoin,
Cha dean thu dearmad air a h-aon.
Do chairdeas saibhear, farsuinn. fial,
Cho ur an diugh 's a bha e riamh,
Thu 'dortadh t' fheartan oirun gu saor,
'S cha toir sin traoghadh air do mhaoin.

'Us mar an Ti 'thug dhut do ghloir,
Cha seas an dorchadas 'na d' choir,
Cho luath 's a thogas tu do cheann
Theid fuadach air mar cheo nam beann.
'Us riamh bho 'n fhuair thu 'n reachd bho
'n Rìgh,

Cha deach thu leud na roineig cli,
A' ruith do reis gu stolda reidh,
'Dol tiomchioll air a' chruinne-che.

Gu 'n robh gach solas dhut a ghrian,
Tha fann ort far am bheil thu triall,
Bidh sinne dorcha 'n so gun ghean
Gu 'n d'uisg thu 'm marach anns an ear.
Ach laidh thu sìos air chul a' chuain,
'S dh'fhag thu na spenan trom fo ghruaim,
Tha neoil na h-oidhch' a' tarraunn teann,
'S bidh mis' a' tearnadh sìos do 's ghlennn.

Tha stoirmeanan a soir dheanamh mil-
leadh anns na Staitean a niar.

SEAN SGEUL AGUS ORAN.

Bha nighean og a muigh air airidh, uair,
's co thainig ga coimhead ach a leannan, a
thug gealladh-posaidh dhi beagan uine
roimhe sin. De'n turus air an tainig e ach
a dh'innse dhi gu 'n robh e dol ga fagail,
'sa dol a phosadh nighean eile 'bha na
bu bheartaiche na ise. Ach nuair a
rainig e 'n tigh anns an robh i, threig a
mhisneach e, agus thuir e rithe nach robh
e ach mu'n cuairt ag iarraidh nan each.
Bha fhios aice-se roimh laimh de bha na
bheachd, 's cha bu luaithe 'thionndaidh a
leannan bho'n dorus na chual' e guth
binn, muladach, a seinn mar a leanas:—

Sgeul a chualas bho'n de,
Mu shealgair an fheidh,
Clach eadar mi fein 's mo bhrog.

Ghabh thu leisgeul 'san uair,
Gur e eich a bha 'bhuat,
Cas a shiubhladh nam fuaran gorm.

Cas a dhireadh nan stuc
'Sa thearnadh nan lub
Dheanadh fiadhach ri druchd gun cheo.

Bu tu mo cheannaich air feill,
Mo chrios us mo bhreid,
Is sgian bheaga na reidh-chois oir.

Bu tu mo chompanach ruin,
Nach fhagadh mi'n cuil,
'Nuair bhiodh each ann an cuirt an oil.

'S bho mach eil agam spreidh,
De mu'n cuirinn ort deigh?
Ach mo bheannachd ad dheigh, 's bi
falbh!

Air dha so a cluinntinn, thaisich a
chridhe, thill a shean ghaol ris a rithist,
agus 'nuair a sguir an t-oran fhreagair e
mar so:—

Ach ged th'aice-se spreidh,
De mu'n cuirinn oirr' deigh,
Fhad 'sa mhaireas tu fein rium beo.

Cha n eil e air innse dhuinn ciamar a
chaidh dhaibh 'na dheigh sin, ach faodaidh
sinn a bhi cinnteach nach robh iomradh
air an nighinn bheartaich tuilleadh,
co-dhiu ghabh i sin gu math no gu h-olc.

Ma bhios aon do ar luchd-leughaidh a
sgriobhadh gu Mr. Abbott, Priomhair
Chanada, no gu Oliver Mowat, Priomhair
Ontario, cuireadh e Sir ri'n ainmean. Rinn
a Bhan-rìgh Rìdìrean dhiubh o chionn
ghoirid.

MAC-TALLA.

B'ìdh MAC-TALLA air a chuir a mach uair 's an t-seachdainn air maduinn Di-Sathairne. A phris 50 sent 'sa bhliadhna; aon aireamh 2 shent.

B'ìdh am fear-deasachaidh-toilichte bhà cluinn-tian o chairdean na Gaelig ge be aite 'm bheil iad agus b'ìdh e re-thaing il airson dad sam bith a chuidicheas le MAC-TALLA, litrichean, naidheachdan, &c., &c. Feumaidh gach nì dhe'n t-seorsa sin a bhì sgrìobhte air aon taobh dhe'n phaipeir. Seolaidh gach litir 'us eile gu

J. G. MCKINNON,
MAC-TALLA,
Sydney, C. B.

SIDNI, DI-SATHAIRNE, IUN, 4, 1892.

THA sinn fìor thoilichte bhì cluinn-tinn gu bheil cairdean aig MAC-TALLA 's gach aite 'm bheil e dol. Tha facal molaidh agus mìsnich a tig'nn a sid 's a so, ag innse nach eil cairdean na Gaelig ainneamh anns an duthaich so, ged a tha iad car balbh. Ma ni iad cho math na dheigh so 'sa rinn iad o'n thamig a cheud aireamh a mach ni iad gle mhath. Dh'ìarramaid air ar cairdean tuilleadh dìchill a dheanamh air cuideachadh leinn. Se ar barail nach eil aon phaipear Gaelig ann an Canada an diugh ach MAC-TALLA. Aig a cheart am tha na mìltean ann an Canada a labhras agus a leughas Gaelig. Car son, ma ta, nach eil paipearan aca 'nan canain binn, blasda, fein, mar a th'aig gach sluagh eile? Cia meud paipeir a tha Frangaich Chanada a cumail suas 'nan canain fein? Cia meud a th'aig Gearmailtich Chanada? Tha na ficheadan aca le cheile. Nach eil e ma ta na mhasladh do Ghaeil Chanada nach eil iad a cumail suas aon phaipear 'nan cainnt fein, cainnt a tha fad air thoiseach air cainnt nam Frangach 's nan Gearmailteach, cainnt air am bheil moran a deanamh dimeas do bhrìgh nach eil eolas ac' oirre. Neach sam bith aig am bheil eolas coir air a Ghaelig, tha meas aig oirre, 's cha tugadh e seachad i air son cainnt sam bith eile, ged a bhiodh sin 'na chomas. Bu choir dhaibh, ma ta, feuchainn ris a mhasladh so a thoirt air falbh. Se'n aon doigh air sin a dheanamh cuid eachadh leis an aon phaipeir a th'aca, (ged is beag e) anns gach doigh as urrainn dhaibh. Iadsan a leughas Gaelig, leughadh iad MAC TALLA, agus paidheadh iad air a shon; iadsan a sgrìobhas Gaelig sgrìobhadh iad air a shon, litir, sgeul, no ni feumail sam bith. Deanadh gach neach areir a chomais 's cha bhì sinn ga agairt air son a chorr.

GED a ghabh sinn as laimh a bhì deasachadh MHC-TALLA, cha'n eil sinn a gabhail oirnn fein a bhì nar sgoilearan

Gaelig na's fhearr na each uile. Tha fhios againn gle mhath nach eil sinn mar sin, 's cha'n ann air son ar foghlum a shealltainn a thoisich sinn an obair so idir, ach air son cothrom a thoirt do mhuintir eile. Tha moran de dheagh sgoilearan Gaelig anns an duthaich so nach eil a cleachdadh an cuid foghlum, a chionn nach eil paipear ann a chuireas an cuid sgrìobhadh an clo. Tha sinn an dochas gu'n gabh iad so ris a chothrom a tha nis air a thoirt daibh, agus gu'n dean iad MAC TALLA na phaipeir cho math 'sa bhios ri fhaotainn.

Fhuair sinn litir bheag, bhlasda, bho "C." Gheibh ar leughadearan i anns an ath aireamh. B'ìdh sinn ro-thoilichte bhì cluinn-tinn bho neach sam bith eile, aig am bheil focal ri radh ruinn, 'gar moladh no 'gar caineadh, 'Se moladh as fhearra chordas ruinn, ach dh'fhaoidte nach bu mhise sinn beagan diomolaidh. Ma tha thu faicinn dad cearr air MAC TALLA, innis e, cha'n ann do mhuintir eile, ach dhuinne. Tha e air a radh gur math an sgathan sul caraid.

Cha'n ann a huile latha 'theid paipear Gaelig a thairgse dhuit air leth dolair sa bhliadhna. Uime sin bi glic agus gabh an a cothrom fhad sa gheibh thu e. Cuir do leth dolair air adhart agus theid sinn fein an urras nach bi aithreachas ort. Seall MAC-TALLA do mhuintir eile, agus, ma tha cairdean duit air falbh o'n tigh, cuir g'an ionnsaidh e, feuch ciamar a chordas e riutha.

Tha *Casket* Antigonish a deanamh moladh mor air MAC-TALLA. 'sa guidhe soirbheachadh leis. Tha sinn fada 'n comain a *Chasket* airson a dheagh dhurachd.

Thaghail duine aig tigh aon uair, agus dh'ìarr e deoch uisge air bean an tìghe. Nuair a chaisg e a phaghadh, dh'fheoraich e dhi an robh i posda. Fhreagair ise gu'm bu bhantrach i. Thuirt esan gum bu bhantrach e fein. "Thig a stigh," ars ise, "agus cuiridh sinn cuisean air doigh." An latha sin fein chaidh am posadh.

Tha Capt. J. W. Lawlor, Chelsea, Mass., a deanamh deiseil gu dìol thairis air an Atlantic ann am bata lach eil ach da through dheug a dh'fhad. Ma gheibh e null beo, bidh am bata ri fhaicinn aig Feil an t-Saoghail air an ath bhliadhna. Ach se's docha nach b'ìdh e fhein no'm bata ri fhaicinn.

Air Mai 23mh, bha Edward Smith, Newport, a leagail seann tigh. Thuit maide no bord far an tìghe agus bhual e air 'sa cheann. Thug so a bhas air an ath Dhi-haoinne. Bha e 65 bliadhna a dh'aois. Dh'fhag e bantrach agus seachdnar chloinne.

D. MAC 'ILLINNEAN, TAILEIR,

SIDNI, - - C. B.

Aodaichean Sassunach agus Albanach dhe gach seorsa 's grinne 'sis fhearr, a feitheamh ri'n ear gu feum. Duine sam bith a dh' fhagas a thomhas aig Mac 'Illinnean, bidh e cinnteach a deise cho cumadail 's cho fasanta 'sa gheibhear an aite sam bith.

"De'n uair a tha e?"
"Tha e coig mionaidean an deigh tri."
"Ciamar a tha fios agad?"
"Nach do sheall mi air m' uaireadear."
"Dh'fhaoidte gu bheil an t-uaireadear sin ro-luath."

"Cha'n eil e fuath no mall riamh on a chaidh a chuir air doigh mu'n am so 'n uiridh. Bha e roimhe sin cho mi-dhoigheal 'sa bha leithid riamh, air aon spoig, 'se cho gliogach 's nach b' urrainn dhomb feum sam bith a dheanamh dheth. Ach an drasda 'se uaireadear cho math sa tha 'san duthaich."

"Co 'charaich e?"

"O, nach be cheist e! Charaich

GUZZWELL & RHODES,

ann an Sidni, feadhainn da 'm b'aithe charadh."

THA.

E. C. NIC FHIONGHAIN,

SIDNI, C. B.

A reic Measan dhe gach seorsa, Canndaidh, Briosaidean, Siucar, Cof, Ti, &c.

Ti, Cof, Baine, agus deochannan stuam eile air laimh an comhuidh. Biadh air a dheasachadh an uine ghoirid.

Feuch gu' ruig thu an

ACADIA HOUSE,

far am faigh thu deagh bhargan.

LEINEAN & COLAIREAN.

ADAN AGUS CIP.

ANART & CAILEAGU (air gach pris).

FLUR AGUS MIN.

NAIDHEACHDAN NA SEACHDAINN.

Thaghail an Soitheach-Smuid "Harlaw" aig Sidni 's aig Sidni Tuath, Dirdaio.

Chaidh Mr. Kirkpatrick a chuir a stigh na riaghladair air Ontario 'an aite Shir Alasdair Chaimbeil.

Chaidh 1,900 each a chuir a Canada gu Breatuinn an uiridh, 's tha tuilleadh a dol a null gach seachdainn.

Bha stoirme de chlaich-mheallainn ann an Sassuinn air an t-seachdainn a chaidh, a rinn milleadh mor air measan.

Dh'fhag G. R. MacCoinnich, duine saoi bhir a dh'eug ann an New York, \$100,000 aig Eaglais Shaor na h-Alba.

Chaochail mac do Chornelius Vanderbilt, ann an New York o chionn ghoirid, agus tha eagal air cuid gun teid athair as a rian.

Tha e air aithris nach eil am Pap gu romhath 'sna lathaichean, so. Tha e na shean duine, 's tha teas an t-saunbraidh deuchainneach air.

Bha crith-thalmhainn ann an Sassuinn air an t-seachdainn s'a chaidh. Cha d'rinneadh cal sam bith, ged a chuir i eagal gu leor air cuid.

Tha eadar 75,000 'us 100,000 duine 'nan tamh anns na Staitean a near, ag iarraidh tuilleadh tuarasdail. A chuid mhor dhiubh so, is clachairean iad.

Tha tuathanaich a stior-fhagail Dakota 'sa dolgu Manitoba. Tha so ag innse gur h-i Canada duthairrch as fheau na na staitean, ged nach eil i cho fada deas.

Tha muinntir Ulster, ceann-a-tuath Eirinn, a cuir an aghaidh Foin-riaghladh a thoir d' Eirinn. Tha iad ag radh nach toir iad geill do Pharlamaid a shuidheas ann am Bail-ath-cliaibh.

Chaidh fear, Bryant Crandall, a ghlacadh ann an San Francisco, air son eionnt eigin agus bha e air aithneachadh le neach a bha aig 'adhlacadh, ann am Buffalo, o chionn sia bliadhna!

Tha'm bradan cho pailt ann an Columbia Bhreatunnach 'sgu bheil na h-iasgair-eagan ga reic air 10 stn am fear. Bha cuid 'gan reic cho iosal ri sent an t-aon. Bradan a thoirmhseas fichead punnd air aon sent! Iasg saor da rirtheadh.

Theich Mr. Allan, duine posda, le Mrs. Hebden bean fir eile, a Montreal o chionn da sheachdainn. Bha iad le cheile de theaghlachan cho beartach 's cho measail 'sa bh'anns a bhaile. Dh'fhag Mr. Allan bean agus coignear chloinne; agus dh'fhag Mrs. Hebden leanabh, da bhliadhna dh'aois, agus dithis ghillean oga, fear deich bliadhna, 's fear ca bhliadhna dheug.

Dh'fhag am 'Pelican,' Sidni air an 29mh Ia. An ath latha thainig long-chogaidh Fhrangach an 'Drac' a stigh. Tha iad le cheile dol gu Newfoundland, far an bheil muinntir na duthcha sin 's na Frangaich gu tric a dol far a cheile.

Bha bean ann am Peterboro, Ontario, a feitheamh ris an train an latha roimhe. Thainig bean eile far an robh i 's dh'iarr i oirre 'leanabh a chumail dhi fhad s a bhiodh i fein a ceannach ticket. Rian i sin, ach a reir coltais cha do cheannaicheadh an 'ticket fhathast, oir chair fhacas a bhean eile waithe sin.

Tha Ameer, no righ, Afganistan a tighinn air cuairt do Bhreatuinn, an uine ghoirid. Tha sinn an dochas gu'n cord a thuras ris. Air leinn gu'm bi e na li iongatach leis nach faic e Victoria, uair sam bith, a tilgeadh a chinn far duine thall 'sa bhos, mar is cloachdach leis fhein far am bheil cead a spoige aige.

Chaidh fear Sheumas Gleeson a mharbhadh anns a mhein-ghuail aig Sidni Mines air an 27mh de Mhai. Bha e cuir ni eigin air doigh faisg air beul an tuill. Dh'fhuasgail an rop ris an robh e'n crochadh, agus thuit e sios 350 troigh, 's bha e marbh mu'n gann a rainig e. Bha 'mhathair a feitheamh ri thighinn dhachaidh mu'm am a thachir so. Bha e 24 bliadhna dh'aois, agus na dhuin og tapaidh gealltannach, air an robh meas aig gach aon do'm b'aithn' e.

Air an t-seachdainn a chaidh, thainig Fearachar MacIllinnean dhachaidh dh'ionnsaidh na h-Aib'ne-Meadhonaich an deigh dha bhi air falbh bho thir oige da fhichead bliadhna 'sa coig. Chaidh e do na Staitean na dhuine gle og: As a sin chaidh e dh' Australia far an robh e 'g obuir 'sna meinean oir, 's far an d'rinn e fhortan. Cha do dhichuimhnich e riamh tir a dhuchais, 's tha e nis air tigh'n dhachaidh a chur seachad a chuid eile d'a laithean a measg a chairdean 'sa luchd-eolais.

Dh'fhag Iain Kennedy, Little Glace Bay, a dhachaidh air feasgar a 24mh de mhai 's cha d'fhuaras sgeul air o'n uair sin. Bha e fein agus dithis dhaoine bharr soithcach-smuid a bha stigh, ann an tigh-oil fad an fheasgair. Chaidh na daoine sin air bord an t-soithich an ath mhaduinn's an cuid aodaich fluch. Thaid-san ag radh nach d'fhag Kennedy an tigh-oil comhla riu, 's tha muinntir an tigh-oil ag radh gun d'fhag. Tha 'chairdean a rannsachadh anns gach ait air a shon, ach cha d'fhuaradh e fhathast, marbh no beo. Tha cuid am barail gu'm deach e gu Montrealanns an t-soitheach, 's tha cuid eile 'smaoineachadh gu'n mharbhadh e. Bha uaireadear oir agus \$11 a dh'airgiod aige 'sa mhaduinn. Tha e duilich a dheanamh a mach gu de dh'eirich dha. Bha e 28 bliadhna dh'aois.

BARGAIN.

B'fhearr leinn gu feuchadh sibh am Flur, a Mhin, an Siucar, 'san Ti a tha sinn a reic. Tha h-uile duin' ag radh gur h-ann againne gheibh iad an cunradh a's fhearr, agus gu bheil sinn a reic ar bathair nis saoire na aon de chach.

Botainnean & Brogan air a phris a phraigheadh tu orr a anns an fhactoridh.

Fiodh agus gach ni eile air son togai thaighean gle shaor.

C. H. HARRINGTON & CO.
Sidni, C. B.

Ma Cheannaicheadh to Bathar

—BHO—

C. S. JOST & CO.,

Cha bhi aithreachas ort.

Airson ad no boineid ruig

MAIRI A. NIC FHIONGHAIN,

aig a bheil

ADAN,
BOINEIDEAN,
RIBINNEAN,
FLURACHAN,
ITEAN.

agus iomadh ni eile. Ad saor no daor mar a's ail leat. Tha'n ad a's saoire gle mhath, ach si'n ad a's daoire 's fhearr.

Am bheil Piano, Organ no Inneal-fhuaigheal a dhith ort? Cha'n eil inneal-ciuil ann an Canada ni's fhearr na Pianos agus Orgain "Kharm." Fhuair iad cliu mor aig Feill Halifax an uiridh.

Agus 'se'n "Raymond" agus an "New Williams" am da Inneal-fhuaigheal a's fhearr a tha ri'm faotainn air thalamh.

Airson tuilleadh fiosrachaidh ruig, no sgrìobh gu

C. B. TRAVIS,
P. O. Box 68, Sydney, C. B.

TOIMHSEACHAN.

EAD. LE A. M.

Do chruthaich Dia mi mu'n d'rinn E
Adhamh;
Ach aon uair riamh, cha do bhris mi
ainteán.
Ge d'thug E com dhomh le feoil 's le
cnamhan,
'Sann dh'fhag E lom mi, gun chas, gun
lamhan.
'Nis tha ri innseadh, nach d'thug Dia
dhomhsa
Anam priseal, ged is creutair beo mi.
Bha aon la sonruicht 'sam fac mi Adhamh,
Is thug e ainm dhomh a reir mo nadair.
Tha mise eolach 's gach cearn do'n t-shao-
ghal,
Ach air an talamh cha tric leat m'fhaotinn.
'S a chum co-lionadh a ruin ro ghras-
mhor,
Bha am thug Dia dhomh anam neo-
bhasmhor;
Is 'nuair a chrìochnich E 'n run a b'ail
leis,
Thug Esan bhuam e, 's bha mi mar b'-
abhaisd.
Tha mi am Chreutair da rìreadh neonach,
Cha'n innis' mi breugan, no'n fhirin
chomhnard;
Is aon chuid sona, no truagh, cha bhi mi;
Tha mi caoin shuarach a thaobh a Bhio-
buil.
'Nuair gheibh mi bas, bheir mi soills' do
mhoran,
Cha ruig mi Paras, 's cha bhi mi'n doruinn.
A nis ma's miann leat mi m'ainm dhuit
innseadh,
Do bhiobul rannsaich le d' uile dhìchioll;
Is ceart eho cinnteach 's tha mis ga raitinn'
Gheibh thu e sgriobhte an caochladh ait-
ean.

SID 'US SO.

A choinn mios no dha, cheannaich bean
ann a Philadelphia bord air a dheanamh
air geugan craoibhe 'sa chairt orra. O
chionn da sheachdainn, thoisich am bord
air fas, agus, a nis tha e fo lan bhìlath.

Chaidh duine geal a dh'èisdeachd min-
isteir dubh agus chord an searmon ris cho-
math 's gun da chuir e coig dolair anns
an tionail. Bha so no ni cho neo-abhais-
teach 's gu'n tuirt am ministear, aig crìoch
na seirbhis, gu'n d'rinn iad tionail mor-
sia dolair dheug,—"Se sin," air esan,
"Mur e airgiod meallta 'thug an duine
geal dhuinn."

Tha paiper a Halifax ag radh, gu'n
deachaidh triuir dhaoine oga mach a
dh'iasgach. Rinn iad ragh air maidean 's
chaidh iad a mach air loch. Rug iad air
tri fichead iasg, ach nuair a bha iad a
tilleadh leis, bhris an ragh 's iad leth-
mhìle bho thir. Ghreimich gach fear air
maide, 's fhuair iad dhachaidh sabhailte.
'Si cheist a nis, de dh'èirich dha'n iasg?

BATHAR URI
BATHAR URI

—AIG—

Vooght Bros.,

SIDNI TUATH, C. B.

Aodaichean, Adan, Fluraichean, Faipear Rum,
Cuirteanan, Brogan, &c, &c.

1,000 Baraile Fluir, 500 Baraile Min Bhuidhe, 100 Baraile Min Choirce,
6,000 peca Salain.

Tha so air a chumail do

D. W. MACFHIONGHAIN,

Sidni & Sidni Tuath.

Chuir an Soitheach-smuid "Harlaw" air tir gu

COINNEACH R. MAC COINNICH,

SIDNI TUATH, C. B.

150 baraile Siucair,
250 " Fluir,
100 " Min Choirce,
10 " Molasses,
100 bocsa Tombaca.
200 ciste Ti a Lunnain.

Feol air a spiosradh, agus moran de sheorsaichean eile nach gabh ainmeachadh an
so. Faiceadh gach neach air a shon fein.